

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članom 45. Zakona o izvršenju Budžeta Zeničko-dobojskog kantona za 2019.godinu („Službene novine Zeničko-dobojskog kantona”, broj: 3/19), na prijedlog Ministarstva zdravstva, Vlada Zeničko-dobojskog kantona, na 21. sjednici, održanoj dana 18.09.2019.godine, d o n o s i

ZAKLJUČAK

o usvajanju Izvještaja o utrošku sredstava za period januar-juni u skladu sa Programom utroška sredstava planiranih u Budžetu Zeničko-dobojskog kantona za 2019. godinu na poziciji „Tekući transferi drugim nivoima vlasti i drugi tekući rashodi“ Ministarstva zdravstva

I.

Usvaja se Izvještaj o utrošku sredstava za period januar - juni u skladu sa Programom utroška sredstava planiranih u Budžetu Zeničko-dobojskog kantona za 2019. godinu, na poziciji „Tekući transferi drugim nivoima vlasti i drugi tekući rashodi“ Ministarstva zdravstva i čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/19
Datum, 18.09.2019. godine
Z e n i c a

PREMIJER
po ovlaštenju

Mirnes Bašić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**IZVJEŠTAJ O UTROŠKU SREDSTAVA ZA PERIOD JANUAR- JUNI 2019. GODINE
U SKLADU SA PROGRAMOM UTROŠKA SREDSTAVA PLANIRANIH U
BUDŽETU ZENIČKO-DOBOJSKOG KANTONA ZA 2019. GODINU
NA POZICIJI
„TEKUĆI TRANSFERI DRUGIM NIVOIMA VLASTI I DRUGI TEKUĆI
RASHODI“ MINISTARSTVA ZDRAVSTVA**

Zenica, august 2019. godine

I Uvod

U skladu sa članom 33. stav (1) Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), sredstva utvrđena u razdjelu 21, budžetska organizacija 01, potrošačka jedinica 0001 Budžeta - Ministarstvo zdravstva – pozicija „Tekući transferi drugim nivoima vlasti“ i „Tekući transferi neprofitnim organizacijama“, koristit će se prema programima utroška, koje donosi Vlada Kantona.

Vlada Zeničko-dobojskog kantona Zaključkom broj: 02-14-8900/19 od 24.05.2019. godine usvojila je Program utroška sredstava planiranih u Budžetu Zeničko-dobojskog kantona za 2019. godinu, na poziciji „Tekući transferi drugim nivoima vlasti i drugi tekući rashodi“ Ministarstva zdravstva (u daljem tekstu Program), kojim su planirana sredstva na poziciji „Tekući transferi drugim nivoima vlasti“ u iznosu od 1.640.900,00 KM i poziciji „Tekući transferi neprofitnim organizacijama“ u iznosu 10.000,00 KM.

U skladu sa članom 45. stav (4) Zakona o izvršavanju Budžeta Zeničko-dobojskog kantona za 2019. godinu, nadležni organ uprave polugodišnje izvještava Vladu Kantona o utrošenim sredstvima po Programu.

II UTROŠAK SREDSTAVA PO PROGRAMIMA

1. Utrošak sredstava po osnovu „Tekućih transfera drugim nivoima vlasti“ - linearno planirana sredstva za period januar-juni 2019. godine iznose 820.450,00 KM

Ukupno utrošena sredstva za tekuće transfere drugim nivoima vlasti u periodu januar- juni 2019. godine iznose 557.371,00 KM, što je 72% linearno planiranih sredstava u Budžetu Zeničko-dobojskog kantona za posmatrani period, a za 2% ili 11.529,00 KM manje u odnosu na uporedni period prethodne godine.

U sljedećoj tabeli dat je pregled utrošenih sredstava po osnovu pojedinačnih tekućih transfera drugim nivoima vlasti:

Ekon. kod	Subanalitika	Tekući transferi drugim nivoima vlasti	Budžet januar-juni 2019. godine	Izvršenje januar-juni 2018. godine	Izvršenje januar-juni 2019. godine	Postotak izvršenja
614100	LAX 001	Tekući transfer za nabavku vakcina	35.000,00	-	-	-
614100	LAX 005	Tekući transfer za Kantonalni zavod za bolesti ovisnosti	65.000,00	60.000,00	65.000,00	100
614100	LAX 007	Tekući transfer za Kantonalni zavod za medicinu rada i sportsku medicinu	14.500,00	13.002,00	14.500,00	100
614100	LAX 008	Tekući transfer za Institut za zdravlje i sigurnost hrane Zenica	44.450,00	31.248,00	44.450,00	100

614100	LAX 010	Tekući transfer za Kantonalnu bolnica Zenica	575.000,00	420.370,00	360.920,72	68
614100	LAX 011	Tekući transfer za Kantonalni zavod za medicinu rada i sportsku medicinu- zdravstvena zaštita sportista	62.500,00	44.280,00	62.500,00	100
		Transfer domovima zdravlja za mrtvozorstvo	1.500,00	-	-	-
	LAX 012	Transfer za Institut za zdravlje i sigurnost hrane Zenica za istraživanje	10.000,00	-	10.000,00	100
		Transfer domovima zdravlja za sistematske preglede školske i predškolske djece	12.500,00	-	-	
	Ukupno		820.450,00	568.900,00	557.371,00	72

U periodu januar-juni 2019. godine nije bilo troškova po osnovu tekućeg transfera domovima zdravlja za mrtvozorstvo i tekućeg transfera domovima zdravlja za sistematske preglede školske i predškolske djece, kao i za nabavku vakcina, što je uticalo na smanjenje procenta izvršenja Budžeta.

**1.1. Tekući transfer za nabavku vakcina
(ekonomski kod 614100, subanalitika LAX 001)- linearno planirana sredstva za period januar- juni 2019. godine iznose 35.000,00 KM**

U prvom polugodištu 2019. godine nije bilo troškova po osnovu nabavke vakcina, obzirom da je nabavka veroraba i imunoglobulina u cilju antirabične zaštite planirana u augustu, a nabavka vakcina protiv sezonske gripe u novembru ove godine, tako da će troškovi po ovom osnovu tereti Budžet Kantona u drugom polugodištu.

**1.2. Tekući transfer za Kantonalni zavod za bolesti ovisnosti
(ekonomski kod 614100, subanalitika LAX 005) – linearno planirana sredstva za period januar- juni 2019. godine iznose 65.000,00 KM**

Troškovi po osnovu „Tekućeg transfera za Kantonalni zavod za bolesti ovisnosti“ u prvoj polovini 2019. godine iznose 65.000,00 KM, što je u visini linearno planiranih sredstava za posmatrani period i za 8,3% ili 5.000,00 KM više u odnosu na prvo plugodište 2018. godine.

Sredstva koja se planiraju u Budžetu Zeničko-dobojskog kanton namijenjena su redovnom finansiranju ove zdravstvene ustanove.

Prema podacima iz Izvještaja Kantonalnog zavoda za bolesti ovisnosti, ukupni prihodi ove zdravstvene ustanove u periodu jaur- juni 2019. godine iznse 993.660,00 KM, a ukupni rashdi 906.985,00 KM, odnosno ostvaren je pozitivan finansijski rezultat u iznosu 86.675,00 KM.

U strukturi ukupnih prihoda na prihode iz Budžeta Zeničko-dobojskog kantona odnosi se **6,5% ili 65.000,00 KM**. Iz sredstava Zavoda zdravstevnog osiguranja Zeničko-dobojskog kantona ostvareno je 640.977,00 KM (64,5% ukupnog prihoda) i 152.667,00 KM (15,4%) namjenskih prihoda za nabavku metadona i suboxona, odnosno 79,9% ukupnih prihoda Kantonalnog zavoda za bolesti ovisnosti.

Ostali prihodi u iznosu od 135.016,00 KM čine 13,6% ukupnih prihoda, a najvećim dijelom se odnose na prihode od usluga ostalim korisnicima – kantonima (113.458,00 KM).

U sljedećoj tabeli data je struktura ukupnih rashoda Zavoda za bolesti ovisnosti za period januar-juni 2019. godine:

Red. br.	Vrsta rashoda	Planirana sredstva januar-juni 2019.	Izvršenje januar-juni 2019.	% učešća u ukupnim rashodima
1.	Troškovi za metadon i suboxone-iz namjenskih prihoda (namjenski rashodi jednaki namjenskim prihodima i ne utiču na poslovni rezultat)	150.000,00	152.667,00	16,8
2.	Neto plaće sa porezima i doprinosima	625.000,00	571.094,00	63,0
3.	Troškovi toplog obroka i regresa	47.500,00	51.682,00	5,7
4.	Ostale naknade uposlenim	7.500,00	5.986,00	0,7
5.	Izdaci za dnevnice, smještaj na službenom putu i putarine	4.000,00	3.705,00	0,4
6.	Naknade članovima Upravnog odbora	8.000,00	7.792,00	0,8
7.	Naknade po osnovu ugovora o djelu	3.900,00	5.100,00	0,6
8.	Ishrana pacijenata- Detox	21.000,00	12.060,00	1,3
9.	Troškovi za metadonsku terapiju- test trake i utrošak lijekova - Detox	15.000,00	15.231,00	1,7
10.	Troškovi medicinskog materijala i materijala za metadonsku terapiju	3.500,00	1.696,00	0,2
11.	Kancelarijski materijal i materijal za održavanje	7.500,00	5.763,00	0,6
12.	Troškovi zakupa prostora	17.000,00	15.113,00	1,7
13.	Troškovi električne energije, grijanja i goriva	11.000,00	7.632,00	0,8
14.	Zaštitarske usluge	11.000,00	7.220,00	0,8
15.	Usluge investicionog održavanja	11.500,00	5.955,00	0,7
16.	Dijagnostičke usluge JU Kantonalna bolnica Zenica i zdravstvene usluge drugih javnih zdravstvenih ustanova	7.500,00	6.393,00	0,7
17.	Usluge medija-prevencija	5.000,00	2.522,00	0,3
18.	Takse ,porezi i naknade	4.500,00	4.705,00	0,5
19.	Troškovi rezervnih dijelova i sitan inventar	4.500,00	740,00	0,1
20.	PTT usluge	4.000,00	2.858,00	0,3
21.	Troškovi premija osiguranja	3.000,00	675,00	0,1
22.	Ostale usluge -advokatske, notarske usluge i sl.	3.000,00	575,00	0,1
23.	Troškovi reprezentacije	2.900,00	2.945,00	0,3
24.	Usluge stručnog usavršavanja- kotizacije za seminare i simpozij	3.750,00	3.908,00	0,4
25.	Grafičke usluge	2.000,00	428,00	-
26.	Troškovi zaštite na radu	2.000,00	0,00	-
27.	Osiguranje volontera	1.750,00	1.330,00	0,1

28.	Bankarske usluge	1.750,00	1.652,00	0,2
29.	Troškovi amortizacije	8.500,00	8.060,00	0,9
30.	Ostali troškovi	2.450,00	1.498,00	0,2
	UKUPNO	1.000.000,00	906.985,00	100,0

Izdaci za plaće sa doprinosima u prvoj polovini 2019. godine iznose 571.094,00 KM (index 110,5), naknade za topli obrok 34.132,00KM (index 104,9) i regres 17.550,00 KM (index 112,9). Navedena izdvajanja predstavljaju 68,7% ukupnih rashoda Kantonalnog zavoda za bolesti ovisnosti, a ako se izuzmu namjenski rashodi onda je taj procenat 82,6%.

Troškovi metadonske i suboxone terapije u iznosu 152.667,00 KM ili 16,8% ukupnih rashoda su troškovi koji se finansiraju iz namjenskih sredstva Zavoda zdravstvenog osiguranja Zeničko-dobojskog kantona. Obzirom da se radi o namjenskim sredstvima, prihodi su jednaki rashodima.

1.3. Tekući transfer za Kantonalni zavod za medicinu rada i sportsku medicinu (ekonomski kod 614100 subanalitika LAX 007)- linearno planirana sredstva za period januar- juni 2019. godine iznose 14.500,00 KM

Iz Budžeta Zeničko-dobojskog kantona za 2019. godinu izdvojeno je 14.500,00 KM za realizaciju projekata javno-zdravstvene djelatnosti, što je za 1.498,00 KM više u odnosu na uporedni period prethodne godine.

Projektnim zadacima Kantonalnog zavoda za medicinu rada i sportsku medicinu, koji se finansiraju iz Budžeta Zeničko-dobojskog kantona za 2019. godinu planirani su sljedeći projektni zadaci iz oblasti javno-zdravstvene djelatnosti medicine rada:

1.3.1. Smjernice vezane uz alkohol na radnom mjestu

U okviru ovog projekta provedene su kampanje podizanja znanja- osvještenosti o navedenom problemu. Održane se edukacije o štetnosti konzumiranja alkohola na radnom mjestu radnicima Arcelor Mittal Zenica, kao i izrada promotivnog materijala, a sve u cilju podizanja svijesti radnika o rizicima konzumacije alkohola na radnom mjestu.

1.3.2. Prevencijom psihosocijalnih rizika do zdravog radnog mjesta

U toku implementacije projekta provedene su sljedeće aktivnosti: upućivanje poziva javnim institucijama za učešće u projektu, izrada anketa, identifikacija psihosocijalnih rizika, procjena psihosocijalnih rizika, kvantitativna analiza rezultata anketiranja i izrada mjera prevencije.

1.3.3. Identifikacija i procjena štetnih rizika po zdravlje na radnom mjestu

U toku implementacije projekta ostvareni su sljedeći rezultati: identificirani psihosocijalni rizici u Gradu Zenica i preduzeću „Alba“ d.o.o. Zenica, izrađene mjere prevencije u cilju stvaranja zdravog psihosocijalnog radnog okruženja.

U tom smislu su urađene brošure (vodiči) „Identifikacija i procjena psihosocijalnih rizika u „Alba“ d.o.o. Zenica i „Identifikacija i procjena psihosocijalnih rizika u Gradu Zenica i iste dostavljene Ministarstvu zdravstva kao prilog Izvještaja o utrošku sredstava.

Prema Izvještaju Zavoda za medicinu rada i sportsku medicinu Zeničko-dobojskog kantona za

period januar- juni 2019. godine, ukupno utrošena sredstva po naprijed navedenim projektima iznose 21.180,00 KM, što se vidi iz sljedećeg pregleda:

Red. br.	Vrsta troška	Iznos planiranih sredstava na godišnjem nivou	Iznos utrošenih sredstava za period januar-juni 2019. godine
1.	Troškovi zaposlenih (bruto plaća)	14.890,00	9.300,00
2.	Uredski i administrativni troškovi	3.230,00	2.340,00
3.	Troškovi za preventivno-promotivne aktivnosti	6.948,00	5.608,00
4.	Nabavka opreme	3.932,00	3.932,00
	Ukupno	29.000,00	21.180,00

1.4. Tekući transfer za Institut za zdravlje i sigurnost hrane Zenica (ekonomski kod 614100, subanalitika LAX 008)- linearno planirana sredstva za period januar- juni 2019. godine iznose 44.450,00 KM

Institut za zdravlje i sigurnost hrane Zenica u prvoj polovini 2019. godine je realizovao sljedeće projekte, koji se dijelom finansiraju iz Budžeta Zeničko-dobojskog kantona za 2019 godinu:

1.4.1. Praćenje i analiza zdravstvenog stanja stanovništva i funkcionisanja zdravstva

U okviru ovog projekta vršeno je:

- štampanje i distribucija dokumenta „Informacija o zdravstvenom stanju stanovništva i organizaciji zdravstva na području Zeničko-dobojskog kantona u 2017. godini“, koja je prihvaćena od Skupštine Zeničko-dobojskog kantona.
- prikupljanje i obrada analitičko-dokumentacione osnove za izradu Informacije o zdravstvenom stanju stanovništva i organizaciji zdravstva na području Zeničko-dobojskog kantona za 2018. godinu,
- izrada Informacije zdravstvenom stanju stanovništva i organizaciji zdravstva na području Zeničko-dobojskog kantona za 2018. godinu.

U drugom polugodištu ove godine bit će realizovane aktivnosti na grafičkoj pripremi i štampanju Informacije o zdravstvenom stanju stanovništva i organizaciji zdravstva na području Zeničko-dobojskog kantona za 2018. godinu, u 400 primjeraka, priprema i izrada materijala za prezentaciju i prezentacija na sjednici Skupštine Zeničko-dobojskog kantona.

1.4.2. Prikupljanje i obrada zdravstveno- statističkih podataka i statistička istraživanja u zdravstvu

Institut za zdravlje i sigurnost hrane Zenica je zadužen da, prema utvrđenoj

metodologiji, vrši prikupljanje određenih zdravstveno- statističkih podataka, obrađuje ih i prosljeđuje Federalnom zavodu za javno zdravstvo.

U prvom polugodištu ove godine Institut je realizovao sljedeće aktivnosti:

- prikupljanje i obrada trinaest periodičnih izvještajnih obrazaca (prijem približno 900 izvještajnih obrazaca),
- polugodišnje dostavljanje izvještaja Federalnom zavodu za javno zdravstvo (95 izvještajnih obrazaca),
- kontinuirano prikupljanje i obrada tri individualna izvještajna obrasca (obrađeno 15000 individualnih izvještajnih obrazaca),
- prilagodba izvještajnih podataka za potrebe Fonda zdravstvenog osiguranja za Izvještaj o materijalno-finansijskom poslovanju zdravstvenih ustanova,
- pružanje stručno-metodološke pomoći zdravstvenim organizacijama u poslovima vođenja medicinske dokumentacije i statističkih izvještaja i
- kontinuirano učešće u obradi obrazaca prijave smrti (DEM -2) u saradnji sa Službom Zavoda za statistiku (obrađeno oko 1750 prijava smrti).

1.4.3. Antirabična zaštita

Cilj ovog projekta je spriječiti oboljevanje stanovništva od bjesnila, a u okviru projekta se vrši, u uskoj saradnji sa veterinarskom službom, kao i sa drugim zavodima za javno zdravstvo, praćenje epizootije bjesnila među životinjama. Kako bi se mogao izvršiti pregled i procjena potrebe za antirabičnom zapštitom i provesti antirabična zaštita, neophodno je obezbjediti raspoloživost doktora medicine, specijalistu epidemiologije, kao obučenog zdravstvenog tehničara. U prvom polugodištu ove godine obrađen je 43 slučaj povreda od strane životinja koje su obuhvaćene apliciranjem 52 doze antirabične vakcine kod 13 pacijenata kod kojih je to bilo indicirano. Za potrebe antirabične zaštite obezbjeđuje se angažman ljekara i tehničara i neradnim danima, obzirom da se ova zaštita provodi po strogo određenoj šemi.

1.4.4. Nadzor nad akutnom flakcidnom paralizom

Na ovom projektnom zadatku se radi već duži period, obzirom da postoji rizik uvoza divljeg polio virusa, a rana dijagnoza omogućava brzi odgovor. Institut provodi aktivni i pasivni nadzor nad AFP među djecom od 0-15 godina starosti u cilju dobijanja certifikata o eradikaciji poliomijelitisa i sedmično šalje izvještaje Federalnom zavodu za javno zdravstvo. U cilju realizacije ovog projekta neophodno je obaviti određeni broj terenskih posjeta.

Nadzor nad akutnom flakcidnom paralizom ima za cilj:

- rano identificirati polio virus,
- pokazati odsustvo divljeg polio virusa i
- pokazati da nadzor zadovoljava nivo potreban za certifikaciju.

Strategija nadzora je prijaviti i istražiti sve slučajeve akutne flakcidne paralize.

1.4.5. Nadzor nad HIV/AIDS

Cilj ovog projekta je držati pod nadzorom HIV/AIDS i prevenirati njegovo širenje, odnosno jačati postojeći sistem nadzora koji obuhvata zakonom obavezno izvještavanje o svim slučajevima bolesti i smrti od AIDS-a uključujući i HIV infekciju.

U ovom nadzoru i obaveznom prijavljivanju koriste se nove definicije slučaja (EU), što omogućava usklađivanje našeg sistema nadzora sa onim u EU i Smjernicama Svjetske zdravstvene organizacije. Prijavljivanje se vrši na modificiranom, standardizovanom obrascu, koji podrazumijeva zaštitu podataka, povjerljivost, anonimnost i šifriranje.

1.4.6 Izrada programa sistematske deratizacije i provođenje stručnog nadzora sistematske deratizacije

Obaveza provođenja preventivne sistematske deratizacije, kao opšte mjere u sprečavanju pojave zaraznih oboljenja, propisana je Zakonom o zaštiti stanovništva od zaraznih bolesti („Službene novine Federacije Bosne i Hercegovine“, broj: 29/05).

Članom 9. Zakona je propisano da se opšte i posebne mjere za zaštitu stanovništva od zaraznih bolesti sprovode u skladu sa programima koje donosi kantonalni ministar, na prijedlog kantonalnog zavoda, koji ima obavezu da prati epidemiološku situaciju u pogledu zaraznih bolesti.

Institut je uradio Prijedlog Programa provođenja obavezne preventivne sistematske deratizacije na području Zeničko-dobojskog kantona za 2019. godinu (proljetna i jesenja faza) i dostavio ga Ministarstvu zdravstva. Ministar Ministarstva zdravstva aktom broj: 11-37-3732-2/19 od 15.04.2019. godine donio je Program provođenja obavezne preventivne sistematske deratizacije na području Zeničko-dobojskog kantona za 2019. godinu (proljetna i jesenja faza) i Naredbu o provođenju obavezne preventivne sistematske deratizacije na području Zeničko-dobojskog kantona -proljetna faza 2019. godine (11-37-3732-3/19 od 15.04.2019. godine. Navedeni akti su objavljeni na službenoj internet stranici Vlade Zeničko-dobojskog kantona.

Zaključkom Vlade Zeničko-dobojskog kantona broj: 02-37-7585/19 od 07.05.2019. godine zadužen je Institut za zdravlje i sigurnost hrane Zenica da provede postupak javne nabavke usluga provođenja obavezne preventivne sistematske deratizacije u objektima i površinama kojima upravlja Zeničko-dobojski kanton.

Institut je proveo postupak javne nabavke, ali u prvom polugodištu postupak izbora najpovoljnijeg ponuđača nije oknčan, te predmetna proljetna akcija preventivne sistematske deratizacije na objektima i površinama iz nadležnosti kantona nije provedena, a time nije proveden ni stručni nadzor.

U prvoj polovini ove godine iz Budžeta Zeničko-dobojskog kantona po tekućem transferu za Institut za zdravlje i sigurnost hrane Zenica za realizaciju prethodno navedenih javno-zdravstvenih projekata utrošeno je 44.450,00 KM, što je u visini linearno planiranih sredstava, a u odnosu na uporedni period prethodne godinu više za 13.202,00 KM.

1.5. Tekući transfer za JU Institut za zdravlje i sigurnost hrane Zenica za istraživanje (ekonomski kod 614100, subanalitika LAX 012)- linearno planirana sredstva za period januar- juni 2019. godine iznose 10.000,00 KM

Mjere deratizacije, dezinfekcije i dezinsekcije spadaju u mjere kojima se osigurava kontrola određenih zaraznih bolesti koje se prenose vektorima.

U oblasti deratizacije potrebno je raditi na istraživanju i razvoju ovih aktivnosti najmanje u dvije oblasti: stepena raširenosti glodara i procjena potrebe za obimom aktivnosti deratizacije,

kao i procjena uticaja na okoliš kao posljedica provođenja ovih mjera.

Tokom prvog polugodišta urađen je plan istraživanja u oblasti deratizacije u smislu utvrđivanja stepena infestacije glodarima područja Kantona. Planiranje ovih poslova obuhvatalo je istraživanje literature, analizu raspoloživih podataka, izradu plana aktivnosti, izradu plana postavljanja hranidbenih kutija koje služe za posredno utvrđivanje zastupljenosti glodara na određenom području.

U drugom polugodištu planirano je postavljanje hranidbenih kutija, obilazak terena sa ciljem utvrđivanja iskorištenosti mamaka, te analiza iskorištenosti mamaka i procjena stepena infestacije glodarima.

U prvoj polovini ove godine iz Budžeta Zeničko-dobojskog kantona po tekućem transferu za Institut za zdravlje i sigurnost hrane Zenica za realizaciju navedenog projekta izdvojeno je 10.000,00 KM, što je u visini linearno planiranih sredstava.

1.6. Tekući transfer za Kantonalnu bolnica Zenica (ekonomski kod 614100 subanalitika LAX 010)- lnearno planirana sredstva za period januar- juni 2019. godine iznose 575.000,00 KM

Planirana sredstva za „Tekući transfer za JU Kantonalna bolnica Zenica“ na godišnjem nivou iznose 1.150.000,00 KM, od čga su sredstva u iznosu 200.000,00 KM planirano za plaćanje PDV-a za realizaciju projekta „Poboljšanje energetske efikasnosti u JU Kantonalna bolnica Zenica“, a ostatak sredstava u iznosu 950.000,00 KM za pokriće troškova održavanja opreme i informacionih sistema.

Ukupni rashodi po osnovu tekućih transfera za JU Kantonalna bolnica Zenica u prom polugodištu ove godine iznose 360.920,72 KM, uz napomenu da u posmatranom periodu nije bilo troškova za plaćanje PDV-a po projektu „Poboljšanje energetske efikasnosti u JU Kantonalna bolnica Zenica“, koji će se finansirati iz kreditnog zaduženja EBRD-a.

Vlada Zeničko-dobojskog kantona je u prvom polugodištu ove godine donijela sljedeće odluke o odobravanju sredstava u ukupnom iznosu od 760.520,18 KM:

Red. Br.	Svrha odobravanja sredstava	Broj Odluke o odobravanju sredstava	Iznos u KM odobren Odlukom	Dobavljač	Izvršenje januar-juni 2019. godine	Stanje obaveza na dan 30.06.2019 . godine
1.	Odluka o odobravanju sredstava za usluge održavanja medicinske opreme proizvođača “Siemens” u Službi za rdiologiju	02-14-9927/19 od 12.06.2019. godine	451.450,32	„Siemens“ d.o.o. Sarajevo	225.725,16 6*37.620,86	37.620,86
2.	Odluka o odobravanju sredstava za održavanje i servisiranje softvera za Sektor za pravne poslove i Sektor za ekonomsko-finansijske poslove	02-14-9928/19 od 12.06.2019. godine	66.296,88	„Dalia“ d.o.o. Tuzla	33.148,44	-
3.	Odluka o odobravanju sredstava za usluge održavanja transfuzijskog	02-14-9929/19 od 12.06.2019. godine	22.323,60	„Wizard Computer“	11.161,80	-

	informatičnog sistema Renovatio			d.o.o. Mostar		
4.	Odluka o odobravanju sredstava za usluge održavanja laboratorijskog informatičnog sistema RGB Analysis	02-14-9930/19 od 12.06.2019. godine	20.358,00	„Wizard Computer“ d.o.o. Mostar	10.179,00	-
5.	Odluka o odobravanju sredstava za usluge održavanja informatičnog sistema RGB Analysis Mikrobiologija	02-14-9931/19 od 12.06.2019. godine	9.126,00	„Wizard Computer“ d.o.o. Mostar	9.126,00	-
6.	Odluka o odobravanju sredstava za usluge održavanja medicinske opreme proizvođača „Fresenius“	02-14-9932/19 od 12.06.2019. godine	24.570,00	„Fresenius medical care BH“ d.o.o. Sarajevo	24.570,00	-
7.	Odluka o odobravanju sredstava za održavanje i servisiranje CT aparata Somatom Emotion 6RTP u Službi za onkologiju i radioterapiju	02-14-9933/19 od 12.06.2019. godine	115.830,00	Siemens“ d.o.o. Sarajevo	-	-
8.	Odluka o odobravanju sredstava za preventivno i korektivno održavanje gamma kamere „Picker“	02-14-9934/19 od 12.06.2019. godine	9.500,00	„Medpoint“ d.o.o. Sarajevo	9.500,00	-
9.	Odluka o odobravanju sredstava za održavanje liftovskih postrojenja	02-14-9935/19 od 12.06.2019. godine	10.645,38	„Euroliftin g“ d.o.o. Srebrenik	7.090,32	-
10.	Odluka o odobravanju sredstava za usluge održavanja, servisiranja i implementacije PACS/RIS sistema	02-14-9936/19 od 12.06.2019. godine	30.420,00	„Medit“ d.o.o. Sarajevo	30.420,00	-
	UKUPNO		760.520,18		360.920,72	37.620,86

U periodu januar- juni 2019. godine ukupni troškovi po navedenim odlukama iznose 360.920,72 KM, što je 76% linearno planiranih sredstava za ove namjene, a za 59.449,74 KM (index 86) manje u odnosu na uporedni period prethodne godine.

1.7. Tekući transfer za Kantonalni zavod za medicinu rada i sportsku medicinu - zdravstvena zaštita sportaša (ekonomski kod 614100 subanalitika LAX 011)- linearno planirana sredstva za period januar- juni 2019. godine iznose 62.500,00 KM

Zakonom o zdravstvenoj zaštiti (Službene novine Federacije BiH broj: 46/10 i 75/13) definisana je djelatnost sportske medicine, odnosno poslovi koji predstavljaju proširenje djelatnosti Zavoda za medicinu rada.

U periodu januar- juni 2019. godine troškovi u Budžetu Zeničko- dobojskog kantona po osnovu „Tekućeg transfera Kantonalnom zavodu za medicinu rada i sportsku medicinu - zdravstvena zaštita sportista“ iznose 62.500,00 KM, što je na nivou linearno planiranih sredstava za ove namjene, a za 41,1 % ili za 18.220,00 KM više u odnosu na uporedni period prethodne godine.

Treba napomenuti da Zavod za medicinu rada i sportsku medicinu u prvoj polovini 2019. godine za finansiranje zdravstvene zaštite sportista ne ostvaruje prihod po osnovu sredstava koja se ugovaraju sa Zavodom zdravstvenog osiguranja Zeničko-dobojskog kantona, kao što je to bio slučaj do 30.09.2018. godine. Naime, Naredbom o izmjenama i dopunama Naredbe o standardima i normativima zdravstvene zaštite iz obaveznog zdravstvenog osiguranja u Federaciji Bosne i Hercegovine („Službene novine FBiH“, broj: 58/18), nisu obuhvaćeni standardi i normativi za sportsku medicinu.

U tom smislu povećana izdvajanja iz Budžeta Zeničko-dobojskog kantona su nedostatna za finansiranje sportske medicine u punom obimu.

Prema Izvještaju Zavoda za medicinu i sportsku medicinu Zeničko-dobojskog kantona za prvo polugodište 2019. godine, sredstva za finansiranje zdravstvene zaštite sportista utrošena su za realizaciju projekta „Očuvanje zdravlja sportista amatera na području Zeničko-dobojskog kantona putem redovnih sistematskih pregleda“.

U ambulanti sportske medicine u izvještajnom periodu izvršene su sljedeće usluge:

- Pregledano je ukupno 447 sportista koji se bave različitim sportskim kategorijama (nogomet, košarka, tenis, karate, džudo, biciklizam, rukomet, atletske discipline i sl.), a koji su različitih starosnih kategorija (predpioniri do seniori). Od ukupnog broja pregleda 384 pregleda se odnose na prvi sistematski pregled, a preostala 63 pregleda su kontrolni pregledi.
- Izvršeno je 7 ljezerskih pregleda - specijalna ljezerska uvjerenja za maloljetne sportiste koji se bave sportom u starijim kategorijama,
- Izvršeno je 90 pregleda punoljetnih sportista, što dodatno uključuje 90 ergo testova,
- Pruženo je ukupno 1490 ostalih specijalističkih usluga- ispitivanje sluha, vida UZV abdomena, pregled kardiologa, fizijatra, velika spirometrija i ostali pregledi predviđeni zakonom za određenu sportsku aktivnost,
- Izvršeno je 9997 laboratorijskih analiza (urea, kreatinin, glukoza, jonogram i sl.).

U sljedećem pregledu data je struktura troškova finansiranja zdravstvene zaštite sportista za period januar-juni 2019. godine:

Red. br.	Vrsta troška	Iznos utrošenih sredstava za period januar-juni 2019. godine
1.	Troškovi zaposlenih (bruto plaća, topli obrok i naknade)	26.710,00
2.	Troškovi stručnog osposobljavanja	16.830,00
2.	Troškovi materijala (laboratorijski, kancelarijski materijal i sl.)	12.720,00
3.	Troškovi održavanja opreme (servis, kalibracija, verifikacija i sl.)	3.600,00
4.	Uredski i administrativni troškovi	2.640,00

	Ukupno	62.500,00
--	---------------	------------------

2. Utrošak sredstava po osnovu „Tekućih transfera neprofitnim organizacijama“-linearno planirana sredstva za period januar-juni 2019. godine iznose 5.000,00 KM

Budžetom Zeničko-dobojskog kantona za 2019. godinu planirano je na godišnjem nivou 10.000,00 KM za „Tekući transfer udruženjima - dobrovoljno darivanje krvi“, kojim je prema Programu utroška sredstava planirana potpora Crvenom križu Zeničko-dobojskog kantona, za provedene akcije dobrovoljnog darivanja krvi. U prvoj polovini ove godine po ovom osnovu nije bilo troškova.

MINISTAR

dr Adnan Jupić